

БАТЛАВ.
ҮНДЭСНИЙ ИТГЭМЖЛЭЛИЙН
ТӨВИЙН ДАРГЫН АЛБАН
ҮҮРГИЙГ ТҮР ОРЛОН
ГҮЙЦЭТГЭГЧ
С.СОРОНЗОНБОЛД

БАТЛАВ.
“АМГАЛАН ДУЛААНЫ СТАНЦ”
ТӨХК-ИЙН ГҮЙЦЭТГЭХ ЗАХИРАЛ
М. МӨНХӨӨ

ИТГЭМЖЛЭЛИЙН ГЭРЭЭ

2023 оны 01 сарын 20-ны өдөр

Дугаар 11/03-28
2023/06

Улаанбаатар хот

2023.01.30
2023 он 02 сарын 01.

НЭГ. НИЙТЛЭГ ҮНДЭСЛЭЛ

1.1 “Стандартчилал, техникийн зохицуулалт, тохирлын үнэлгээний итгэмжлэлийн тухай” Монгол Улсын хуулийн 19 дүгээр зүйлийг үндэслэн нэг талаас Үндэсний итгэмжлэлийн төвийн Бодлогын Хэрэгжилтийг Зохицуулах Газрын даргыг төлөөлж Д.Дөлгөөн (цаашид гүйцэтгэгч гэх), нөгөө талаас “Амгалан дулааны станц” ТӨХК-ийн Гүйцэтгэх захирал М. Мөнхөө (цаашид “захиалагч” гэх, хамтад нь “талууд” гэх) нар дараах нөхцөлөөр энэхүү гэрээг байгуулав.

1.2 Талууд энэхүү гэрээний дагуу тохирлын үнэлгээний итгэмжлэлийн үйл ажиллагааг хэрэгжүүлэхдээ харилцан хүндэтгэн, шударга байдлаар хандах ба гэрээний хэрэгжилтийг хангахын тулд бүхий л зохистой арга хэмжээг авна.

1.3 Талууд тохирлын үнэлгээний итгэмжлэлийн үйл ажиллагаанд холбогдох хууль, тогтоомж, дүрэм, журам болон ёс суртахууны хэм хэмжээг сахин биелүүлэх үүрэгтэй.

ХОЁР. ГЭРЭЭНИЙ ХУГАЦАА

2.1 Энэхүү гэрээ нь итгэмжлэлийн гэрчилгээний хүчинтэй хугацаанд буюу 2024 оны 12 дугаар сарын 26-ний өдрийг хүртэл хүчинтэй байна.

ГУРАВ. ГЭРЭЭНИЙ ТӨЛБӨР

3.1 Захиалагч тал нь итгэмжлэлийн ажил үйлчилгээний хураамж (өргөдлийн хураамж, үнэлгээний хураамж, итгэмжлэлийн таних тэмдэг, тэмдэг хэрэглүүлсний хураамж)-ийг “Итгэмжлэлийн ажил үйлчилгээний төлбөрийн хэмжээг батлах тухай” Монгол Улсын Шадар сайдын 2019 оны 03 дугаар сарын 27-ны өдрийн 23 дугаар тушаалыг үндэслэн дараах байдлаар төлнө. Үүнд:

3.1.1 Өргөдлийн хураамж 240 000 (Хоёр зуун дөчин мянга) төгрөг /Итгэмжлүүлэхээр хүсэлт гаргахад төлсөн байна/.

3.1.2 Үнэлгээний хураамж 480 000 (Дөрвөн зуун наян мянга) төгрөг /Үнэлгээний ажлын хэсэг томилогдож үнэлгээ эхлэхийн өмнө төлсөн байна/.

3.1.3 Итгэмжлэлийн таних тэмдэг, тэмдэг хэрэглүүлсний хураамж итгэмжлэлийн гэрчилгээний хугацаанд нийт 1 500 000 (Нэг сая таван зуун мянга) төгрөг байх бөгөөд дараах хуваарийн дагуу төлнө. Үүнд:

1. 2023 оны 01-р сарын 30-ны өдрийн дотор 1 дүгээр жилийн төлбөр 750 000 (Долоон зуун тавин мянга) төгрөгийг төлөх;
2. 2023 оны 12-р сарын 30-ны өдрийн дотор 2 дугаар жилийн төлбөр 750 000 (Долоон зуун тавин мянга) төгрөгийг төлөх;

Жич: Гэрээний эхний жилийн хураамжийг итгэмжлэлийн шийдвэрийг албажуулахын өмнө төлсөн байна.

3.1.4 Итгэмжлэлийн таних тэмдгийг итгэмжлэлийн байгууллагаас баталсан “MNAS P704 Итгэмжлэлийн бэлгэ, тэмдэг, таних тэмдэг, тэмдэг ба гэрчилгээг хэрэглэх журам”-ын дагуу хэрэглэх ба шинээр хийлгэх төлбөрийн зардалыг нэхэмжлэлийг үндэслэн захиалагч байгууллага төлнө.

3.1.5 Магадлах үнэлгээний хураамж нийт 160 000 (Нэг зуун жаран мянга) төгрөг байх бөгөөд хавсралтад заасан хуваариар итгэмжлэлийн байгууллагын нэхэмжлэхийн дагуу төлнө. Үүнд:

1. 2023 оны 12 сарын 26–ны өдрийн дотор тухайн жилийн дотоод аудит, удирдлагын дүн шинжилгээний тайланг ирүүлэх ба газар дээр нь хийсэн магадлах үнэлгээний төлбөр 160 000 (Нэг зуун жаран мянга) төгрөгийг төлөх.
2. 2024 оны 09 сарын 26–ны өдрийн дотор тухайн жилийн дотоод аудит, удирдлагын дүн шинжилгээний тайланг давтан итгэмжлэлийн материалуудын хамт ирүүлэх.

3.1.6 Гэрээний төлбөрт талууд хяналт тавих эрхтэй ба итгэмжлэлийн үйл явцын журамд зааснаар нэмэлт үйлчилгээг авсан тохиолдолд тус бүрт нь баримтаар тогтоох зардлыг харилцан тохиролцож төлнө.

ДӨРӨВ. ТАЛУУДЫН ЭРХ, ҮҮРЭГ

4.1 Гүйцэтгэгч байгууллагын эрх, үүрэг

4.1.1 Тохирлын үнэлгээний байгууллагын чадавхын үнэлгээг хараат бус, шударга, ялгаварлах хандлагагүйгээр мэргэжлийн өндөр түвшинд гүйцэтгэх;

4.1.2 Итгэмжлэлийн шаардлагын аливаа өөрчлөлтийн талаар тухай бүр мэдэгдэх;

4.1.3 Төрийн болон албаны нууцын тухай хуулийн 27, 28-р зүйл, Итгэмжлэлийн байгууллагын “P 402 Нууцын тухай” журамд заасны дагуу Итгэмжлэгдсэн тохирлын үнэлгээний байгууллагын техник, технологи болон худалдааны нууцтай холбоотой мэдээллийн нууцыг хадгалах;

4.1.4 Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 8 дугаар зүйлийн 8.2 дах хэсэгт заасны дагуу ашиг сонирхлын зөрчил үүссэн, үүсэж болзошгүй тохиолдолд ашиг сонирхлын зөрчилгүй гэдгээ мэдэгдэх, албан үүргээ гүйцэтгэхэд ашиг сонирхлын зөрчил үүссэн, үүсэж болзошгүй нөхцөлд албан үүргээ гүйцэтгэхээс татгалзаж, энэ тухай эрх бүхий байгууллага, албан тушаалтанд бичгээр гаргаж өгөх;

4.1.5 Тохирлын үнэлгээний байгууллагад итгэмжлэгдсэн хүрээнд хамааралтай аливаа гомдлыг шийдвэрлэхэд дэмжлэг үзүүлэх, хамтран ажиллах;

4.1.6 Итгэмжлэлийн шаардлагад нийцээгүй үйл ажиллагаа явуулж байгаа нь тогтоогдвол итгэмжлэгдсэн тохирлын үнэлгээний байгууллагын итгэмжлэлийн тэмдгийг хурааж авах, итгэмжлэлийн хүрээг багасгах, итгэмжлэлийг тодорхой хугацаагаар түдгэлзүүлэх буюу хүчингүй болгох;

4.1.7 Гэрээнд заасан ажлыг биелүүлэхтэй холбогдсон нийтлэг асуудлаар арга зүйн зөвлөмж өгөх, хяналт тавих, сургалт явуулах;

4.1.8 Итгэмжлэлийн гэрээний хавсралтад заасан төлөвлөгөөний дагуу, шаардлагатай тохиолдолд (хэрэглэгчийн гомдол, мэдээлэл, итгэмжлэлийн техникийн хорооноос өгсөн үүрэг даалгаврын биелэлт, итгэмжлэлийн байгууллагын шийдвэрийн биелэлтийг үнэлэх гэх мэт) гэнэтийн магадлах шалгалтыг хийх.

4.2 Захиалагч байгууллагын эрх, үүрэг

4.2.1 Стандартчилал, техникийн зохицуулалт, тохирлын үнэлгээний итгэмжлэлийн тухай болон бусад хууль, тогтоомж, дүрэм журам, холбогдох стандартын шаардлагыг тасралтгүй хангаж ажиллах;

4.2.2 Итгэмжлэлийн шаардлагыг үргэлжлүүлэн бүрэн хангаж буйгаа нотлохын тулд итгэмжлэлийн байгууллагатай хамтран ажиллах;

4.2.3 Тохирлын үнэлгээний байгууллага нь итгэмжлэлийн шаардлагыг хангаж буйг батлахын тулд ажилтан, байрлал, тоног төхөөрөмж, мэдээлэл, баримт бичиг, бүртгэлтэй танилцах боломж, ажиллах нөхцөлөөр итгэмжлэлийн үнэлгээний ажлын хэсгийг хангах;

4.2.4 Итгэмжлэлийн байгууллагын шаардсаны дагуу тохирлын үнэлгээний газар дээрх гэрчлэх үнэлгээг зохион байгуулах;

4.2.5 Тохирлын үнэлгээг хэрэглэгч хүсэлт гаргасан тохиолдолд итгэмжлэлийн үнэлгээний ажлын хэсэгт ажиглагчаар оролцох боломжоор хангах;

4.2.6 Итгэмжлэлийн таних тэмдгийг итгэмжлэлийн байгууллагаас баталсан “MNAS P704 Итгэмжлэлийн бэлгэ, тэмдэг, таних тэмдэг, тэмдэг ба гэрчилгээг хэрэглэх журам”-ын дагуу хэрэглэх;

4.2.7 Итгэмжлэлийн тэмдгийг зөвхөн итгэмжлэгдсэн хүрээнд гүйцэтгэсэн тохирлын үнэлгээний үр дүнг баталгаажуулахад хэрэглэх;

4.2.8 Итгэмжлэлийн бүс нутгийн болон олон улсын хамтын ажиллагааны байгууллагын (ILAC, IAF, APAC гэх мэт) лого, тэмдгийг тусгайлан гэрээ байгуулаагүй тохиолдолд хэрэглэхгүй, хэрэглэгчийг төөрөгдүүлэхгүй байх;

4.2.9 Итгэмжлэлийн байгууллагыг үл хүндэтгэсэн байдлаар итгэмжлэлийг ашиглахгүй байх;

4.2.10 Итгэмжлэлд хамаарах эрх зүйн байдал, итгэмжлэлд нөлөөлөхүйц том хэмжээний өөрчлөлт орсон тохиолдолд цаг тухайд нь Итгэмжлэлийн байгууллагад мэдэгдэх. Үүнд:

а) Итгэмжлэгдсэн үйл ажиллагааг хэсэгчлэн болон бүрэн хэмжээгээр түр болон бүр гүйцэтгэхгүй болох;

б) Зохион байгуулалтад гарсан аливаа өөрчлөлт, Үүнд:

- Өмчлөлийг өөр хуулийн этгээдэд шилжүүлэх,
- Хуулийн этгээдийн нэр солих,
- Итгэмжлэгдсэн үйл ажиллагаа явуулдаг байршил өөрчлөгдөх,
- Дээд удирдлага өөрчлөгдөх,
- Итгэмжлэлийн байгууллагатай холбоо барих ажилтнуудын өөрчлөлт,
- Итгэмжлэлийн шаардлагыг ханган ажиллахад нөлөөлж болохуйц бусад өөрчлөлт.

4.2.11 Итгэмжлэлийн шийдвэр гарах үед итгэмжлэлийн байгууллагаас хүлээн зөвшөөрөгдсөн, итгэмжлэгдсэн тохирлын үнэлгээний үр дүнг баталгаажуулан гарын үсэг зурах эрх бүхий ажилтныг өөрчлөх тохиолдолд хориос доошгүй өдрийн өмнө мэдэгдэх, шинээр томилогдох ажилтны мэдээллийг ирүүлэх, зөвшилцөх;

4.2.12 Итгэмжлэлийн үнэлгээ (магадлах үнэлгээг оруулаад)-тэй холбогдон гарах зардал, үнэлгээний ажлын хэсгийн унаа, байр, томилолтын зардлыг итгэмжлэлийн ажлын үр дүнгээс хамаарахгүйгээр хариуцан төлөх;

4.2.13 Итгэмжлэлийн хүрээнд хамааралтай аливаа гомдол, маргааныг шийдвэрлэхэд Итгэмжлэлийн байгууллагад дэмжлэг үзүүлэх, итгэмжлэлийн хүрээнд хамааралтай асуудлаар шүүх болон захиргааны байгууллагад шалгагдах тохиолдолд нэн даруй итгэмжлэлийн байгууллагад мэдээлэх;

4.2.14 Итгэмжлэлийн үнэлгээ явуулсан ажлын хэсэг, итгэмжлэлийн Техникийн хорооноос гарсан зөвлөмж, өгсөн үүрэг даалгаврыг тогтоосон хугацаанд биелүүлэх;

4.2.15 Давтан итгэмжлүүлэх тухай хүсэлтээ итгэмжлэлийн гэрчилгээний хүчинтэй хугацаа дуусахаас 3 сарын өмнө гаргах;

4.2.16 Олон улс, бүс нутгийн байгууллагаас гаргасан тохирлын үнэлгээний холбогдолтой олон улсын стандарт, баримт бичгийг орчуулах, шинэчлэх ажилд идэвх, санаачилгатай оролцох;

4.2.17 Тохирлын үнэлгээний үр дүнгийн үнэн зөв, нэгдмэл байдлыг хангах, түүнд хяналт тавих зорилгоор ур чадварын сорилт/лаборатори хоорондын харьцуулалтад тогтмол оролцох.

ТАВ. ТАЛУУДЫН ХҮЛЭЭХ ХАРИУЦЛАГА

5.1 Итгэмжлэлийн гэрчилгээ олгосноор итгэмжлэгдсэн байгууллагын үйл ажиллагаанаас үүдэн хэрэглэгчид учирсан аливаа хохирлын хариуцлагыг гүйцэтгэгч тал хүлээхгүй.

5.2 Захиалагч тал нь итгэмжлэлтэй холбогдох зардлыг заасан хугацаанаас хойш 30 хоногийн дотор төлөөгүй, холбогдох хууль тогтоомж, итгэмжлэлийн байгууллагын бодлого, дүрэм, журмыг зөрчсөн тохиолдолд итгэмжлэлийн байгууллага захиалагчийн итгэмжлэлийг түдгэлзүүлнэ.

5.3 Итгэмжлэлийг түдгэлзүүлсэн заасан хугацааны дотор шаардлагыг хүлээн авч, залруулах арга хэмжээг бүрэн хэрэгжүүлээгүй тохиолдолд итгэмжлэлийг цуцална.

ЗУРГАА. ГЭРЭЭГ ДҮГНЭХ

6.1 Энэхүү гэрээ болон гэрээний хавсралтын дагуух хэрэгжилтийг итгэмжлэлийн үнэлгээ, магадлах үнэлгээ, давтан үнэлгээ, шийдвэр гаргах үе тус бүрийн төгсгөлд итгэмжлэлийн байгууллага дүгнэнэ.

6.2 Итгэмжлэгдсэн тохирлын үнэлгээний байгууллага итгэмжлэлийн байгууллагын шаардсан үед итгэмжлэлийн үйл ажиллагаатай холбоотой өөрийн хийсэн ажил, үйлчилгээний талаар мэдээ, тайланг ирүүлнэ.

ДОЛОО. БУСАД ЗҮЙЛ

7.1 Итгэмжлэл, итгэмжлэгдсэн байгууллагын үйл ажиллагааны талаар хэвлэл мэдээллийн хэрэгслээр сурталчлах, итгэмжлэлийн байгууллага, итгэмжлэгдсэн байгууллагын нэр хүндийг дээшлүүлэх чиглэлээр талууд идэвхтэй үйл ажиллагаа явуулна.

7.2 Энэхүү гэрээ нь хоёр талын удирдлагууд гарын үсэг зурсан өдрөөс эхлэн хүчин төгөлдөр үйлчилнэ.

7.3 Гэрээг хоёр хувь үйлдэж, Талууд тус бүр нэг хувийг хадгалсан нь хууль зүйн хувьд адил хүчинтэй байна. Хавсаргасан хавсралт нь гэрээний салшгүй хэсэг мөн.

7.4 Гэрээнд нэмэлт өөрчлөлт оруулах асуудлыг хоёр тал тохиролцон шийдвэрлэнэ.

ГЭРЭЭ БАЙГУУЛСАН:

ГҮЙЦЭТГЭГЧ
ТӨЛӨӨЛЖ:

БАЙГУУЛЛАГЫГ

БОДЛОГЫН ХЭРЭГЖИЛТИЙГ
ЗОХИЦУУЛАХ ГАЗРЫН ДАРГЫН
ҮҮРГИЙГ ТҮР ОРЛОН ГҮЙЦЭТГЭГЧ

 Д.ДӨЛГӨӨН

ХЯНАСАН:
ЕРӨНХИЙ НЯГТЛАН БОДОГЧ

 Б.БИЛИГТ

БОЛОВСРУУЛСАН:
ҮНЭЛГЭЭНИЙ АЖЛЫН ХЭСГИЙН
АХЛАГЧ

 Б.ӨЛЗИЙ

ЗАХИАЛАГЧ
ТӨЛӨӨЛЖ:

БАЙГУУЛЛАГЫГ

ЕРӨНХИЙ ИНЖЕНЕР

 Э.МӨНХЖАРГАЛ


САНХҮҮ ЭДИЙН ЗАСГИЙН
ХЭЛТСИЙН ДАРГА БӨГӨӨД
ЕРӨНХИЙ НЯГТЛАН БОДОГЧ

 Ө.УДВАЛ


ХУУЛИЙН МЭРГЭЖИЛТЭН

Г.САРУУЛ

НЭГДСЭН ЦЕХИЙН ДАРГА

 Ж.АРИУНЖАРГАЛ

ХИМИЧ

 Э.ЭНХЗУЛ

Хаяг: Энх тайваны өргөн чөлөө-46А
Улаанбаатар 13343
Харилцах утас: 51-263689
И-мэйл хаяг: info@mnas.gov.mn
Данс: Төв төрийн сан банкны
100900009013 тоот данс
Регистрийн дугаар: 6604889
Цахим хуудас: www.mnas.gov.mn

Хаяг: БЗД УС 15-1-1
Харилцах утас: (976) 77111252
И-мэйл хаяг: amgalan@ahp.energy.mn
Регистрийн дугаар: 6021646
Цахим хуудас: ahp.energy.mn
Гэрчилгээний дугаар: TL-184
Улсын бүртгэлийн дугаар:

УЕ

2023.01.30 17/03-28 дугаартай гэрээний хавсралт

Итгэмжлэлийн хөтөлбөр

№	Итгэмжлэлийн үнэлгээний төрөл	Огноо	Итгэмжлэлийн хүрээг хамруулсан байдал	Үнэлгээний хугацаа хүн/өдөр	Хариуцах ажилтны нэр
1	Анхдагч үнэлгээ	2022.06.24 2022.06.27	Итгэмжлэлийн хүрээний тодорхойлолтод орсон үзүүлэлт бүрээр	2 хүн 2 өдөр	Б.Өлзий
2	Итгэмжлэгдсэн огноо	2022.12.27			
3	Газар дээрх магадлан хяналт (Дотоод аудит, УДШ-ний тайлан)	2023 оны 12 сард	Итгэмжлэлийн хүрээний тодорхойлолтод орсон үзүүлэлтийн 50-иас доошгүй хувь эсвэл итгэмжлэлийн хүрээний тодорхойлолтод орсон үзүүлэлт бүрээр	Батлагдсан удирдамж, гэрээний хөтөлбөр 2 хүн 1 өдөр	Үнэлгээний мэргэжилтэн
4	Давтан үнэлгээ	2024 оны 09 сард	Итгэмжлэлийн хүрээний тодорхойлолтод орсон үзүүлэлт бүрээр	Батлагдсан тушаалаар	Үнэлгээний мэргэжилтэн

ТАЙЛБАР 1: Эрсдэлээс шалтгаалан хамрах хүрээнээс сонгох байдлаар үнэлэх эсхүл зайнаас үнэлгээг хийж болно.

ТАЙЛБАР 2: Магадлах үнэлгээ давтан үнэлгээг хийх хугацааг итгэмжлэлийн шийдвэр гарсан хугацаатай уялдуулан тогтооно.

ТАЙЛБАР 3: Магадлах үнэлгээний үед итгэмжлэлийн хүрээний тодорхойлолтод орсон үзүүлэлтээс сонголт хийхдээ өмнөх магадлах үнэлгээнд хамрагдаагүй үзүүлэлтийг сонгоно.